

剡源集卷第二十九

元 戴表元 撰



律詩 五言

五言學杜陵節節道壯雖非能列其沈痛鳩變
村氣味則差遠矣

三次韻寄戴祖禹 尚有第二篇



同分剡溪派自喜小王書野服調驍馬濃香薰蠹魚歲時
趨闕里早晚上公車與我真兄弟風流但不如

四六 茗溪

六月茗溪路人看似若耶漁簪掛棕樹酒舫出荷花碧水
干塍共青山一道斜人間無限事不厭是桑麻

四六 道桐川欲訪梅右司不知其處

桐川瀟灑處面面碧芙蓉峻塔當關獨清溪抱郭重市多

吳客語。祠有漢時卦。欲覓梅仙去。知藏第幾峰。

故總幹潘伯可從大挽詞二首

落落知難久。堂堂竟不還。江湖官七品。風雨屋三間。已矣

烏頭白。嘻乎豹管斑。兒曹莫輕脫。英爽在空山。

得死何須哭。偷生正可疑。倉皇歸印日。慷慨卻金時。規矩

諸郎存襟懷。我輩知平生。郭有道。消得蔡公碑。

和鄧善之秋興二首文原

鬢髮日夜老。神仙那可求。揚雄識字苦。元晏著書愁。碧酒

紅蓮夜。朱絃白雁秋。論心得少暇。同上最高樓。

鶴化城猶在。龍移井未枯。百年吾道半。六合此身孤。西嶺

栽花屋。東風賣酒壚。伴狂覓耆舊。處處土音殊。

渡長泖投小蒸邵教授宿

清曉浮雙槳。黃昏值一飡。風鳴長泖浪。雲拚小蒸村。饒極

知鱸美。驚還覺雁喧。同袍思有愛。燈火細溫存。

客遊

客遊吳楚地。最好是秋天。三泖團臍蟹。雙溪縮頂鱸。桂林

雲頂寺。蘆湯月中船。酒醒唯嫌雁。猶勝聽杜鵑。

自宣州至湖州風雪中十日始達

江湖老未休。十日走三州。南雪馬沒耳。北風船打頭。窮猶

攜筆硯。寒欲貫衣裘。漸喜家鄉近。兒童浙語稠。

十二月二十三日華亭小泊華亭近方通潮

一一歌遊處。今年又寂寥。雞聲生塢樹。蜃氣雜江潮。斑白

用豹死留皮管中
窺豹合成晦昧。
豹管班宋人杜撰
生造

頂此刻誤
湯此刻誤
据明善堂刻本改

塢此刻誤鳥

尋遺老丹青詭麗譙衰懷緣子女不憚往來邀

四十四 次韻答應德茂雪後遠寄

山中不來久何處度殘年人悶如中酒村荒似禁煙將茶
冰箸煮移枕雪蓬眠更何狂歌否春風雙玉船

贈上饒道雲仲

江上青雲客天邊白馬生百年文物似一席笑談傾問舊
能枚舉論財比莽輕徘徊亦自好可便濯塵纓

送鄉同舍黃君賞謁陳提學

六館賦聲在五陵遊伴稀如何趨仕版猶自着儒衣春晚
鶯羞語城寒花慢飛江湖陳仲舉相見肯空歸

六月朔日再會再次韻與胡氏謙避暑

莽此刻誤

臺屋淡難暑湖林近易風高歌送長日醉眼睨涼空雀舌
纖纖碧雞頭淡淡紅行藏數子別談笑一樽同

次韻蔚上人見寄

流落誰相憶山林蔚講師元機魂夢接詩力鬢毛知舟去
須尋處書來不記時君看東海月今夜亦追隨

道衡書寄求詩

烈士蹈東海公仍歸白雲龍藏誰顧蛻鶴去不隨羣道貌
青難寫香風遠自聞人間塵垢子羞讀徑山文

次韻蔚講師新春之贈

每見輒自失春風雙鬢斑詩囊貧裏富藥市鬧中閒登路
通湖寺敞樓當郡山清緣事事足聽此屢開顏

一作

四廿七 史昭甫招陳宗魯之長興

之子滄浪去三吳西更西白鹽蕁菜膾紅酒稻花雞地少
驚雲滿天空見日低錦囊看爛漫佳客醉畱題

四三 風雨行湖山村

風雨湖山暮屠村又鮑村鳥巡漁退艇犬認獵歸門天作
蠻雲暗溪憑剡漲喧十年燈火伴草次共魚飧

四二 詠蠶

物亦有仁者蠶功不可量將身甘鼎鑊與世作衣裳過棧
蒼雲濕登山白雪香未知龍種似猶與馬羣妨後半佳

柏坑

西去疑無路誰知是剡津行多收柏客住有掘琴人寺隱

山前古村經水後貧時時百里外來此祭田神

四一 董村 證道寺

彎環青徑斜自是野僧家滿澗瀉巖液插天排石牙爐寒
餘柏子架靜落藤花記得逃兵日門多貴客車

喜王丞病較

途窮已難忍那許病經時學到自無鬼命強容有醫飯為
扶壽本書是解煩資便作天台約山行未覺衰起結佳

四十 丁亥歲除前二日書事

索索寒搜客沈沈雨洗年殘林生獵迹歸鳥避窰煙節物
杯漿外溪山鬢影前行藏都未定筆硯底能捐

四十五 寄雪竇何長老嘗許畫蘭不至

別校本較字疑

高高山頂寺。更有最高人。定起松鳴屋。吟圓月上身。雲藏三伏熱。水散百溪津。曾乞蘭花供。無書又過春。

四十一 鄞城火後見光遠

火後上墟市。兵前風雨春。那知攜手地。俱是皺眉人。海柳吟猶弱。山鶯聽未真。明朝各分路。何處避風塵。

客言劉樗翁事

俗薄名難盛。人窮迹易危。從來天下士。不計里中兒。隱玉看虹氣。堅松任蠹枝。相知不相識。况又不相知。

蔣堯仁監簿挽詩二首

家廠宣和後。官名德祐前。不圖諸老盡。竟得一身全。月旦懸虛鑒。巾箱有祕篇。堂堂何可得。誰乞畫圖傳。

照席鬢眉古。傾筵咳唾清。緋魚前進士。刀筆老儒生。政熟元無譜。書高別有評。百年茲士少。諸彥自偏名。

四十二 四十

四十不解事。真成無用人。交遊青草盡。途路白雲新。漸覺名妨靜。難將學濟貧。堂堂楚龔傳。猶有隱流嗔。

四十三 夜坐

愁鬢丁年白。寒燈丙夜青。不眠驚戍鼓。久客厭郵鈴。洵洵城噴海。疎疎屋滿星。十年窮父子。相守慰飄零。

四十四 晦亭

東海窮詩客。西風古驛亭。髮從殘歲白。山入故鄉青。世事徒三窟。兒童且一經。丁寧速賒酒。煮栗試沙瓶。

垣按滿疑漏之說。若云滿則與味。不應。

孫常州挽詩

白髮何人在青山此老歸殉攜貧日硯斂着賜餘衣文物
鷗興滅園林鶴是非諸公莫惆悵英爽世間稀

嚴提舉挽詩

判得身煨燼歌銘尙爾爲可憐蟬脫蛻還許豹畱皮剡水
歸來棹柯山看斷碁平生觸心處臨卷費相思

霑雨溪漲抵郭可畏

黑雨連三白黃流迸一川盡漫騎馬路祇有釣魚船城郭
功如此江湖興豈然兒曹卻輕捷來往似飛鳶

夷齊此古體

夷齊棄封國虞芮讓閒田如何後世士尺寸事爭喧鄰居

有愧恥况復兄弟間揜卷三歎息古風何時還

贈針醫范秀才

不但針經熟言談語語真鍊形如鐵佛信手合銅人祕攝
魚千里空飛鶴當輪功成尙相挾平地脫風塵

四
遊登袋寺寺出茶筍甚佳獨無杜鵑

苦雨忽相貸名山難久孤春泉新雀舌野苑嫩龍鬚土宇
錢王日風煙釋氏徒行人逢不問松吹自傳呼

其二

路絕猶人跡山空惟水聲如何芳樹裏不著杜鵑鳴筍市
層層出苗田寸寸耕縑流太清朴亭榭不標咎佳佳

偶得巾樣問老匠云正古漉酒巾也

漉酒陶元亮名傳尙有巾方成執鞭志更著捧心人待菊
須簪髮臨流擬被塵乃翁真處士吾黨祇閭民

結語知恥

又作散愁

說窮人不信欲說更何爲日永書腸覺霜濃病骨知家
兵潰後交絕廩空時頭白風塵境消磨尙有詩

太學冬至日同齋朋友先以兄弟敘拜訖遍詣諸

齋行禮出遂置酒湖上衣冠談笑之樂至今栩栩

在念間也因至日去近二十九和爲正仲道之

畫閣東爐早黃簾曉燭遲名宦僮僕滿齒拜弟兄疑歌酒
神仙舫衣冠宰相碑如今窮海上逆旅話襟期

舊里火後多有築宅者太平客戶也

此亦何味乃津
追憶之

人說離鄉賤歸鄉更莫論許詢家莫幹杜甫客東屯廢井
微蹤出新鄰雜語喧平生江海意歲晚白榆村

四
食淡

世亂謀生拙村淡食淡能沙蔬羹白煮山稻飯紅蒸暑豉
方傳友寒糟共學僧庖廚尙如此未歎室生冰

寄謝王侍御

雲氣蓬萊閣霜威獬豸冠耽書真柱下執法更臺端步驟
三台近聲名七郡寒誰知階級禮許爲腐儒寬

久客且歸畱別郭于昭憲掾

久客令人厭初春乍許寒飛蓬妨覽鏡脫粟愧加餐坐有
誇羊酪門誰住馬鞍重來會相見老性忍悲歡

趙壽父遊杭

東浙飢難住。西湖遠不多。好辭松葉麪。來聽竹枝歌。水屋花千繞。巖林錦一窠。秋深道途好。老子亦婆娑。

四五十三 鄰友疫 養晦成中

歲惡災妖熾。人窮性命輕。如何赤髮鬼。亦及白眉生。忍楚嘗親藥。停哀寫子旌。鄉鄰拘俗忌。哭弔竝無聲。

老態

老態誰能脫。中年子自如。丹胎三轉候。卦氣一周時。倦動身如客。平眠力勝醫。看書亦漸懶。意到或成詩。

四五十五 頓寒懷單祥卿教諭時新開酒禁

霜花一夜白。風葉滿村黃。欲出歲華老。相思江水長。畱枝

遮鵲戶。存蜜補蜂糧。想見山行處。開窗新酒香。

蘇伯清席中領張仲賓所寄二詩兼聞陳無逸已

從湘南官滿歸。養喜而有荅。仍次來韻。

我愛張公子。清言氣不低。湖溝隨市轉。亭樹與城齊。杯酒方花下。扁舟又水西。祇愁騎馬滑。難惜錦障泥。

次韻蘇教授立春書事

病老空山客。寒紆積雪春。麥苗青有主。桃板粉成神。短策陶元亮。輕舟賀季真。征徭幸不及。游眺雜閒民。

讀閩風題林隱詩追和贈汪秀才

山林一跡地。塵土二毛年。避世書為屋。謀生藥當田。卉衣從俗製。蔬供學僧煎。渺渺滄溟去。今誰魯仲連。

紆疑紆訛垣按
行訓縈曲行
訓後解行義
為長

送謝教諭

聞說龍泉縣儒風最可人墨池千澗縮石室四山鄰北學
申連剡南音漸帶閩峩冠作賓客罄折不須頻

蝗來

不曉蒼蒼者生渠意若何移蹤青穗盡眩眼黑花多害慘
陰機賊殃踰蠱毒蛾秋霖幸痛快一捲向滄波

四一 丁丑歲初歸鄞城

城郭三年別風霜兩鬢新窮多違意事拙作背時人雁蹟
沙場信龍腥瀚海塵獨歌心未已筆硯且相親

四二 夜坐示友

夜久燭花落淒聲生遠林有懷嫌會淺無事又秋深黃葉

歸田夢白頭行路吟山中亦可樂不似此同襟

四三 宿永固寺

小寺如山艇坐來風雨宵榻分椶樹影饌帶菊花苗親近
談難褻狐馴聽不妖許由渾欠達嫌到野中瓢

四五 孫太監挽詩

餘姚人

禹穴收雲氣滄江亦斷流真成掃地盡同作上天遊銘誄
看遺史衣冠入隱丘空餘平世眼曾望李膺舟

其二

穆祖收英俊斯人晚更成白頭真老監褐服舊諸生仕國
餘波遠儒鄉巨棟傾蒼蒼無處問西望累吞聲

四六 風雨遊小大浦

海塢秋風裏無惊眼亦開潮衝鳥嶼長雨過象山來畚
收牛種漁丁拾麤胎乘桴吾豈敢人說近蓬萊

四七 方處士挽詩二首

不謂高名下終全玉雪身交猶及前輩吾不似今人別號
行鳴雁遺編感獲麟斂儀應自定只著古衣巾

其二

不比他人死何詩可挽君淵明元嬾仕東野別攻文滄海
諸公淚青山處士墳相看莫浪哭私諡有前聞

四九 宿趙岷丞家

溪山兵後縣風雪旅中人迫夜愁嚴鼓衝寒託軟巾摧藏
名字在疏率饌殺真今代徐元直高風自可親

四十一 社日城南山作

社日年年雨江花處處春漸成垂白老不見踏青人榆柳
邊聲雜龍蛇歲事新端來近城郭猶自厭風塵

四十二 趙君理約同途不至

待子不來久煙山看樹青為吟天外句更立水邊亭雨暖
催科斗雲淡長袂芩鄰居亦有約休待鬢星星

四十三 送雙溪汪和仲往象山見周使君兄弟

五馬天邊外雙鳧海上翁白頭真避地黃卷舊趨風歲月
揆詩味山林把酒同漂零誰得去羨子逐飛鴻

四十四 聞應德茂先離棠溪有作

落日蘆花雨行人穀樹村青山時問路紅葉自知門苜蓿

味此刻誤

窮詩味。芭蕉醉墨痕。端知棄城市。經席許頻溫。

四十六 交秋不雨

蠓同規小蛤又
盜女蟲也

淤水飛成雨。焦田灌作秋。江潮雙趺底。伏臘兩肩頭。餒蠓
知何罪。蛟龍自不憂。吳兒有高廩。正蕩采菱舟。

四十七 曉行

漸漸路可識。紛紛山轉多。數雞啼遠塢。一鳥起滄波。藤杖
溼雲石。筍鞋濃露莎。何人尚高臥。層構着煙蘿。

四十八 同諸子行上畝山

白石秋更潔。清溪寒自鳴。牛羊爭道路。鳥雀聚柴荆。野果
高低熟。山田早晚耕。吾歸任衰懶。兒輩託平生。

四十九 晚投韓采巖

冬日寒難暝。巖溪淺跡冰。猿飛紅果嶂。人度白雲層。望屋
多依竹。逢樵半采藤。艱難吾甚厭。何處學孫登。

五十 下郝長塘小憩示陳養晦

野水通田白。村山貼縣青。兵荒猶古道。暑暍且長亭。稻地
晴耕犢。瓜田晝撲螢。吾詩不寂寞。細諷與君聽。

五十一 此地

又說風塵起。人來似水流。飢窮餘此地。嘯聚是何州。野白
荒荒闊。雲橫莽莽浮。相逢問田父。未可賣耕牛。

五十二 送徐生仁榮侍親遊山

蚤識梁松拜。居成潘岳游。一年歸雁雨。四月落花秋。溪味
涼供酒。山聲晝入舟。歸來佇新語。莫但作吳謳。

四廿七 簡王元剛併寄意王理得君玉

抄本作并寄理問德玉

見說頻相憶新年已兩書雪肥秦望草春動鏡湖魚繭紙堆成屋烏蓬走當車諸公有遊事少待意何如

四廿八 紫溪鄔義翁挽詩

先君老交友最是後凋人開館日千屢藏書山四鄰門迎新印綬曠掩古衣巾會哭皆英俊哀風暗海塵

四廿九 題陳秀才溪山佳趣

是子昂書扁

城郭尋尋盡溪山宛宛來同誰遷蠟屐為子破蒼苔書欲爛斑設花須爛漫栽趙郎題墨妙煙霧眼中開

四三十 東離湖州泊南潯佳聚落也

張帆出東郭沽酒問南潯畫屋蘆花淨紅橋柳樹淡魚艘

寒滿巷橋市畫成林吾道真迂闊浮家尚越吟

潯酒至今有

四三十一 次韻荅寄閩風舒先生

聞說薊巖老風情不減前菊盤秋熟蟹竹枕晚涼蟬碑碣僧頻謁詩囊客自編梅花紫溪路一別又三年

四三十二 送陳養晦教諭之象山

聞說橫經處潭潭坐翠微開窗見日出拂席有雲飛藥市山山古魚餐水水肥新篇應爛漫休遣遞筒稀

四三十三 趙孟樵脩職挽詩

辦得從容死知渠磊落人風雲數世澤玉雪百年身譜牒圖經舊園林墓道新不知滄海上更費幾沾巾

四三十四 送羅學正赴歙

種十三卷送趙
生游吳序校本
作種

文公湯沐邑。子去作儒官。馬首千峰秀。鶯聲二月寒。山禽攢俸納。溪友借書看。近日科名闊。青雲上不難。

四九

杜子問赴建康南軒祠長

祠前花木可愛

一席清溪上。淡衣雪鬢翁。揮犀談孔氏。釋菜禮宣公。堂饌淮鮮白。賓筵楚醴紅。花臺無恙否。回首幾春風。

四四

己亥歲歸過泉口紫芝山傷謹講師聞師死

行路夢猶在。入門人已非。山青古佛頂。雲墨祖師衣。賭弈曾同拙。看真似欠肥。百年誰免此。只合早忘機。

四四

三山鄭君挽詩

彥璋之父

近日經師少。人中又哭君。遺編空白屋。同列盡青雲。塵土千金產。湖山數尺墳。紛紛梁肉種。誰得致斯文。

四四

送穹上人還里

但得扁舟便。春風處處行。定中三竺月。禪外五言城。海角雕胡飯。山畦玉版羹。清緣倘相就。談笑解塵纓。起佳

四四

褚叔豪赴山陰和靖祠長

此老真迂闊。白頭方出山。一燈河洛後。千礎剡湖間。講鼓驚雲動。書船載月閒。可無容席地。容我了躋攀。

四四

逢翁舜咨

相逢渾不覺。祇似宛陵貧。裊裊花驕客。瀟瀟雨淨春。借書消茗困。索句寫梅真。此去青雲上。知君有幾人。

四四

舟過嚴州

溪石茸茸出。冰泉滂滂懸。銜盃仙洞頂。挂席客星邊。古岫

魚爲市窮鄉。繭當田生涯。著處有奔走。愧華巖。

四〇七 招王奕世

聞說銅山下。書屏四面開。就僧煮紫筍。共客席青苔。鐵畫年俱長。霜根頂未栽。何當端午暇。一別剡鄉來。

四〇八 再招奕世

雷晚還多雨。山寒只似春。野樵開向客。籬笋長過人。一寸書看懶。三义路走頻。王郎何來否。談笑共南鄰。

四〇九 山中

野水晴猶漲。春雷晚始鳴。地閒無埃邏。山遠有蠶耕。身世通寒暑。交遊半死生。方知一杯酒。真勝百年名。

四一〇 七月初五夜養正堂示諸友

客裏猶多事。秋來又一句。青天星斗淨。白露稻梁新。畱落空存節。炎涼莫問人。儒堂得佳伴。吟諷動比鄰。

四一一 袁提幹挽詩二首

短世誰無死。淡山獨有歸。送車晴起霧。埋碣夜生輝。晦朔雞鳴在。江山鶴夢非。剛言仁者壽。近事例多違。

其二

我昔攜家走。君曾埽榻招。亂離心易感。生死義難消。雅魄歸泉壤。潛光出市朝。平生五字苦。寒淚灑山瓢。

四一二 單漕貢君範挽詩

竟抱遺經死。斯人亦可哀。傳家一夔足。涉世萬牛回。白屋身空脫。青山手自開。樵蘇且莫近。玉樹烟泉臺。

梁此刻誤

四五六 久客鹿頂承張景山寄詩次韻奉荅

但得無拘束。身輕處處仙。清談煨芋夜。陳夢種花年。水竇羊腸折。山籬鹿眼編。詩來正清絕。松下忽聞鶉。

梅山

梅尉功成後。安知不此來。路逢耕者問。山是化人開。樵隴低通海。茶村暖待雷。談元亦可隱。不用墾蒿萊。

律詩 七言

五三 乙亥歲毘陵道中 清明日作

百年只有百清明。狼狽今年又避兵。煙火誰家寒食禁。簪裾那復麗人行。禾麻地廢生邊氣。草木春寒起戰聲。渺渺飛鴉天斷處。古來還是闔廬城。

丙子除夜

富貴如今似駭機。漂流未遣壯心違。鄉鄰有酒貧能醉。村落無醫病亦稀。客任低頭從狗竇。妻休掩面對牛衣。十年涉世渾如此。除卻躬耕事事非。

中二連門湊成對

杭城風雨中簡子昂

五月錢塘風雨秋。懷人頻倚面山樓。雲收樹色遙成海。水學江聲暗入溝。一斗儘輸無事飲。千金不買辟寒裘。自憐寂寞無元學。車馬門前過似流。

雲收句佳對句下三字強湊暗字元

五廿七 東湖第三溪上皆史氏故第

日晏霜濃十二月。林疎石瘦第三溪。雲沙有徑縈寒燒。松屋無人鳴晝雞。幾聚衣冠塊作土。當年歌舞醉如泥。早知

七字山住

涉世真成夢。不棄山田春雨犁。

史亨父挽詩

玉食嬋娟非壽資。清懷猶勝幾男兒。壺觴竹寺尋秋月。燈火荷齋聽雨時。補衲有衣曾禮佛。吞丹無訣莫憑醫。平生瀟灑王文學。地下相逢且說詩。

吳允文參議同登金陵鳳皇臺醉作

百年訪古此徘徊。更上山椒掃草萊。一瓣地腴胡馬瞰。數圍天險化龍開。時聞營籍傳謠曲。誰見禪宮離劫灰。李白不生王謝歇。西風日落鳳皇臺。

五四 越城待旦

策策虛樓竹隔明。悲來輾轉向誰傾。天寒胡雁出萬里。月

落越雞啼四更。爲底朱顏成老色。看人青史上新名。清溪白石村。村有五尺烏犍。託此生。

五五 林村寒食

出門楊柳碧依依。木筆花開客未歸。市遠無餽供熟食。村深有紵試生衣。寒沙犬逐遊鞍吠。落日鴉銜祭肉飛。聞說舊時春賽罷。家家鼓笛醉成圍。

五六 寄天台舒閬風先生

初丙子同避兵台之硤石

嶺雲盡處是台州。有箇詩翁住下頭。不寄一書春又晚。相思百里水空流。新蹤凍合鶯雛谷。舊夢花迷燕子樓。聞說道旁烽燧急。定應重作峽中遊。

五十二 火後

小注在詩後

當年歌酒留連處。火後來看一惘然。傷水幾家初飲馬。入春三月未聞鶉。炎涼世事殘城樹。歌哭人聲去客船。不是危腸拌醉得。顛狂無處着詩篇。

五十三 過應浩然先生墓

人間萬卷厖眉老。眼見堂堂入草萊。行客須當下馬過。故交誰復裏雞來。山花不語如聽講。溪水無情自薦哀。猶勝黃金買碑碣。百年名字已煙埃。

五十七 劉正仲至寶山不值主人而去次韻奉寄

日日松間過。過蹄詩成忽在水雲西。何人夜榻愁聽雨。無數春船倒上溪。燕筍出時斑豹美。鳳花開處杜鵑啼。東歸更踏來時路。醉筆山牆取次題。斑豹魚名

空二字校本均作數啼似誤下有啼韻不應更重協且義未詳

五十六 遊陽明洞天呈王理得諸君

禹穴蒼茫不可揆。人傳靈笈鎖煙嵐。初晴鶴點青邊嶂。欲雨龍移黑處潭。北斗齋壇天寂寂。東風仙洞草毵毵。堪憐尹叟非關吏。猶向江南逐老聃。

五十九 送旨上人西湖并寄鄧善之

聞說西湖也自憐。君遊更傷早春天。六橋水煖初楊柳。三竺山淡未杜鵑。舊壁草生尋舊刻。新巖茶熟試新泉。城中新友須相覓。西蜀遺儒解草元。

五十二 辛卯除夜

臘月今年只今夕。春風明日是明年。狂歌把酒屠蘇地。醉眼看梅霧凇天。碧玉千壺喧坐次。紅牙六博鬪飛錢。頭顱

雪白心情在聽說承平一惘然

○五廿一 拜袁越公墓因遊定水寺有懷源老

乃翁已作飛仙去猶得潭潭好墓田老樹背風淡拓地野
雲依海細分天青峰曉接鳴鍾寺玉井秋澄試茗泉我與
源公舊相識遺言瀟灑有人傳

○五廿二 陪阮使君遊玉几 任山有匡廬之舊

花滿車茵酒滿船亂雲堆裏訪枯禪林淡何處無芳草人
靜有時聞杜鵑神屋畫飛青礮碑靈潭陰罩赤蛇蜿蜒居然
悟得松風夢回首廬山二十年

○五廿三 雪竇飛雪亭和孫使君

匡廬亦有千尋瀑無此陵虛翠玉臺身倚老松天上立眼

看飛鳥雪中來山神禁肅難投唾木落魂清得浣埃見說
下巖堪對望道人臨壑翦蒿萊

○五廿五 邑中滯雨示陳貴白

猶及相逢鬢未華故鄉春盡不須嗟園林處處生新草風
雨年年送落花高樹晝寒歸有鳥小溪湍急走如蛇方知
傲世不在隱高枕北窗聞打衙

○五廿六 十月朔旦寄貴白兄弟

黃牛村前秋葉飛青螺峰外海雲歸故人相思雪滿鬢客
子獨行風舉衣鳥鵲定占誰屋喜鱸魚知比去年肥當時
歌酒江湖上百里音書今亦稀

○五廿七 次韻任起潛謀隱之作

江邊秋日逢任子大醉索詩吾欲狂為問山資何次第祇
餘丹訣轉淒涼黃金范蠡曾辭祿白首虞翻未信方千古
浮雲共歸意曉風城郭水花_痕香如何次第三字自不得入律詩

○ 五廿二 晚秋遊中溪四首 戊子

淡竹岡前沙雁飛小花尖下柘丸肥山雲不見雨自薄天
氣欲寒人正歸招伴祇須新稻酒臨風猶有舊苔磯風流
鬢髮莖莖在怪石老松今是非

其二

經秋溪水碧洄洄無數曉山如鏡臺紅葉流從龍輿出白
雲飛向石門來亦逢紙戶曾相識尚有樵蹤且莫回端為
何人作風物漫山漫谷野花開 腹連佳

其三

休折山中松桂枝溪魚亦小莫垂絲沙田翻白收秔後霜
樹著紅嘗柿時日落牛羊歸徑熟天寒烏鳥向人慈出雲
數里成官路問事如何總不知

其四

樹淡雲濃又一坡招邀處處是行窩梯巖危似蟻緣木架
屋高如鵲結窠水味野栽_高葵白瘵山毛人摘芋紅多行年
四十不稱意更欲客遊知奈何

○ 五廿三 春夜喜陳汝晦見過

乃翁治獄多陰德之子論文有古風尊祖祇容吾黨共衣
冠能得幾家同書林有業何妨隱徭籍無名莫怨窮百歲

相期今夕意。賴君咳唾起諸童。

○ 五廿四 鄉君子何堂董君分教貴溪作詩奉寄

舟車赤日千餘里。筆硯清風二百年。開口人知宗洛派。舉頭身欲近閩天。絺袍涼擁松皮几。桂酒春浮藥玉船。猶有英髦臥空谷。閒將名字訪華顛。

○ 五廿五 次韻荅陳叔高 末詩有秋風道上誰青眼夜雨燈前自白頭之句甚佳叔高名童登

蚤種青蒲已滿溝。暮栽黃菊亦成丘。不辭西日射牛背。尚勝北風吹馬頭。新雨客疎塵鎖几。故山秋淡樹藏樓。艱難終竟鄉情耐。準擬行窩處處留。

○ 五廿六 次韻寄陳達觀少府兼簡叔高

懷人路絕雲歸海。避俗門深草蔽丘。萬事漸消閒客夢。一

生虛白少年頭。山蟹叫緩從除架。淮雁來多莫上樓。近日鄰家有新釀。每逢詩伴得淹留。

○ 五廿七 過清涼寺王參預墓下

江左風流廊廟人。荒墳拋與梵宮鄰。多年羊虎猶眠石。敗壁貂蟬祇貯塵。萬古雲山同白骨。一庭花木自青春。永思陵下猶淒切。廢屋酸風吹野薪。

○ 五廿八 送僧無等遊華亭

華亭是我曾遊處。記憶端然不作疎。地帶三吳猶壯麗。人經二陸自詩書。輕身羨爾能隨鶴。薄味從來不爲魚。未卜西遊時遠近。道成相問定何如。

○ 五廿九 送陳彥恂北上兼簡李奇卿學士

天末脩脩起畫船。離歌清切也堪聽。十年夜雨頭垂白。萬里春風草又青。莫戀皋比專魯席。終須豸角瑞堯庭。平生短李江南傑。今作文昌第幾星。

五四十一 於杭州九月送袁太初赴寧海教官

憐君跋涉走風沙。九月江城飛雪花。黃蝶終歸穿硯手。青

藜曾照聚書家。吟圓坐石題山葉。講退登樓看海槎。年少

姣游渾好在何時。相伴訪煙霞。

五四十二 次韻王監簿春前對雪之作

情懷未厭日如年。幻境先看海變田。梁苑貴遊圖畫裏。山

陰風致酒尊前。蝦鬚簾濕閒春曉。猊舌香濃凝午煙。可信

高人有高臥。磯頭新泊釣魚船。此篇家藏藉有工夫

黃校本改圖近兩字似非義門校本以其未穩也

五四十三 陳秀才問詩於余次韻贈之 叔壹

秋半說詩秋又闌。覓從忘處更哦看。不妨味熟心自悟。祇

恐業成身轉寒。竅木野風天倡和。崩溪怪石鬼鑄刊。扳君

更上最高頂。莫羨千金遊子鞍。

五四十四 次韻荅胡山甫兼簡汪日賓 山甫名哲台人 日賓名元寅邑人

白髮詩翁南峽居。何來與子不相疎。久知諸老難折簡。端

爲此家多貯書。談吐清無涉俗處。容顏衰似避兵初。溪梁

一別還經歲。接得新詩錦不如。

其二

亂後交朋星散居。如君那得易親疎。耐多但有客滿座。忙絕不令兒廢書。萬里山河蓬鬢底。一春風雨杏花初。閉身

共遜耽詩老野服枯藤得自如

五四十五 寄袁季厚

莫笑衰顏老刻翁。凶年過徹膽頑窮。坐窗漸愛日南至。行路不愁天北風。清話客多無酒款。白頭交在有書通。聞知別墅林泉美。一策一簷吾欲東。

如腹連便佳

五四十六 挽舒君實

名襟號亦山

玉比清癯鶴比羸。相看中路忽相遺。詩才萬斛難供款。藥論千箱不起衰。定有意遊輕竹杖。猶餘手剪碎松枝。南山山下徘徊處。曾指佳城示阿宜。

五十九 感事

死生契闊強兄弟。南北分張好友朋。戰國幾人成漢鬼。劫

醉時歌日耀太倉五升米村赴鄭老曰襟期

灰今日信胡僧。翰林身後詩千首。工部巨前米五升。山路陰寒魚雁絕。舊遊何處寄槭藤。

五十四 夢覺

夢覺依然一草寮。浮蹤已慣任飄搖。虛簷晴氣生朝露。遠樹寒聲過夜潮。白骨又驚山下滿。朱顏剛向客中消。時平不愛通侯印。且願溪林作老樵。

黎州山下有坡曰響地。平黎州自孫興公經始至。今有祠其上。

蒼茫一片莓苔地。隨意觸來還有聲。定是戰坑餘箭戟。不然琴屋貯瓶罌。名真過客多能記。跡古居人不敢畊。孫叟有靈應索笑。賦成畱此試鏗錚。

寄趙子昂濟南

濟南官府最風流。聞是山東第一州。戶版自多無訟獄。儒冠相應有賓游。秋風魚酒黃梁市。夜月笙歌畫舫舟。行樂使君詩筆俊。一篇何寄剡溪頭。

陳無逸張仲實皆授徒城中相望遣悶小詩往問

閒身不用苦咨嗟。隨分風流閱歲華。白日垂簾同賣卜。清流岸幘勝趨衙。飛書漆槩詩無草。夾註高檠眼未花。更喜芳鄰連二妙。時時衿佩問東家。

蔚講師見示方便君唱酬詩次韻

長汀江上別多時。白髮閒身天所遺。避俗如仇翻好客。知窮為祟欲耽詩。鄉山雲淡龍移久。湖市春寒鶴下遲。過盡

榴梅與甜筍。高侯還許放侯知。

腹連佳腰連惡

次韻如晦木犀因寄其從父性之老同舍

詩力如弓不易張。煩襟且覺對花涼。玲瓏南雪晴秋樹。淅窅西風夜月香。消得玉人歌古淡。許誰金屋鬪清狂。風流更憶同袍老。一塢閒雲傍水鄉。

徐都目之官奉化

小壘飛書定不難。十年清苦舊儒冠。黃簾日轉山衙靜。彩筆春消海驛寒。坂馬易勞須緩騁。潮魚雖美莫多餐。人來何寄平安不。茅屋三間伴剡灘。

次韻和蔚師鑑師春懷

愁是雲陰喜是晴。春遊何處不關情。黃雞亭館琴三弄。青

張校本謂奉化近海以原奉乃是
不在九韻以教
當作否

果杯盤酒數行滿。砌雨添新筍。密隔牆風送落花輕。鑑湖湖上樵山老。破帽枯藜過一生。

次韻王景暘寄軒

江湖猶覺氣橫行。羽褐藤冠學養生。掣肘累輕天與福。欺心戒重鬼司盟。行收耕稼閒勳業。別有吟哦好性情。祇恐蹊成似桃李。人來先識隱居名。

七言律不離江西派別而候然其真流轉可佩宋季江湖不飲及也。亦是蘇村熟。

庚午十月十三日依明善堂鈔本校訂原存海源閣所藏本自

閩中教出者也。汪村增記。

藏園校定群書

剡源集卷第二十九

剡源集卷第三十

元 戴表元 撰

律詩 七言

送柯以善自杭遊鄂

江漢天風日夜清。君遊何處濯塵纓。雲從鸚鵡洲前出。月在鳳皇山上明。已羨經籛吳士豔。行看詞筆楚人驚。殘蓀賸芷將何用。歸日分張與後生。

讀福建廉訪輔大使弼字正匡遺事

臬官難稱是閩中。遺愛堂堂得此公。姓字丹青太史筆。歲時籩豆素王宮。一生薑桂那時辣。百死江湖必向東。從古仁賢有家世。名郎臺閣已生風。

五二 客京口

酒醖花穠鼓聒天。百年成此好山川。黃煙暮接淮南火。白米秋攢浙右船。碑古猶多埋鶴寺。田高耕遍臥牛阡。陳蹤興廢何由問。只憶風流老米顛。

五三 金陵贈友

虎變龍阡此一時。春風得似舊城池。宮閒軍賣偷來果。寺廢僧尋斷去碑。水水魚肥供白鮓。家家蠶熟衣紅絲。太平尚屬窮詩客。酒賤如泥醉不知。

五四 湖山村

老去生涯學釣魚。溪山忽憶似湘湖。風林四畔動竿瑟。煙雨一篙行畫圖。小市篝明沽郭索。平園柵樹備於菟。偶然

得住何妨住。是處人間足畏途。

五五 己卯歲初葺剡居作

休言聲迹轉沈淪。百折江湖亂後身。窮未賣書畱教子。饑寧食粥省求人。坐來齒避樵蘇長。往處蹤迷木石鄰。番笑古來逃世者。標名先製隱衣巾。是宋人後世真朴有味

五六 耕桑

耕桑本是閒居事。學得耕桑事轉多。失曬麥叢憂出蝶。遲繅蠶繭怕生蛾。調停寒暖春移苧。偵候陰晴夏播禾。衣飯爲誰忙不徹。醉來乘興作勞歌。近唐

五七 秋盡

秋盡空山無處尋。西風吹入鬢華深。十年世事同紈扇。一

夜交情到楮衾骨警如醫知冷熱詩多當應記晴陰無聊
最苦梧桐樹攪動江湖萬里心 第六句佳

王丞自鄞城歸又許入剡

江城醉別太匆匆風雪家園一笑同儘健不妨天子老絕
清那許鬼欺窮簡書異日關誰事燈火寒鄉賴此翁幾度
丁寧雞黍約掃關拂榻誤兒童

壬午清明

節序愁中都多忘却見人插柳是清明登陴戍出吹彈樂上
豕船歸語笑聲解事濁醪相料理當權團扇正施行悲歡
寒暑君休問花鳥年年管送迎

五十一

寒食 壬午

寒食清明卻過了故鄉風物祇依然窮中有客分青飯亂
後誰墳挂白錢落魄暖春爲多麥地陰沈溽雨近梅天閒情
正爾無歸宿石鼎新芽手自煎

無題

板屋驟喧飛白蟻紙窗欲雨暗蒼蠅長勞井臼慚妻子近
絕音書惜友朋夜半苦吟堪泣鬼日高甘寢祇輸僧意衰
俗物何難敗才薄天公卻未憎

奉題孫使君池館

白髮使君經世材儘閒猶解暢池臺雜花屏障四時有明
月鏡奩三面開各坐山隨人意看正吟風遞鳥聲來當年
時雨堂前夢得似從容此一杯常州有時雨堂 駭連佳

五廿九 家西十里外茅洋小山中土塚纍然初不封樹鄉
過鄉先生舒文靖公墓也

莫輕數尺黃泥壤埋卻斯人後更無山上自難生毒草樹
間長見聚慈烏樵耕可免憑鄉俗灑掃能來是學徒後有
宣尼須痛惜待將墓額寫嗚呼

蘇句率

五十四 戊子歲晚贈應德茂

浩然子戊子晚歲作

江海悠悠雪欲飛抱書空出又空歸沙頭人滿鷗應笑船
上酒香魚正肥塵土竟成誰計是山林又悔一年非平生
萬卷應夫子兩世知名窮布衣

五十六

寶山寺寒食次韻

和閩翁韻

庚寅

綠陰啼鳥春將老古寺垂楊日未西客子欲歸風滿袖桃

花無語水流溪有人蔬筍忘飢渴何處松楸雜笑啼準擬
一時僧榻畔詩翁題後更誰題

戊子清明前陪王丞度新嶺

一百五日熟食節七十一曲下山坡寒暄相逢舊人少風
雨欲盡新林多青巖不辭掛春靄白鳥何處生滄波塗泥
同興不同調我懶且休君更歌

第四佳

五十五 同陳養晦兵後過邑

接山馬退餘春草避世人歸起夏蠶破屋煙沙飛颯颯遺
民鬚鬢雪粼粼青山幾處楊梅塢白酒誰家榉柳潭休學
丁仙返遼左聊同庾老賦江南

送人遊霞嶼

霞嶼風煙接渺溟。老仙萬鋪做林扃。峰前雁起湖雲淨。池面龍來海雨腥。閱世僧閒頭黑白。遊山客爽句丹青。何緣飛去清源國。雨夜脩脩著翅翎。

己丑正月六日袁季源家遭燬次韻書悶

鄴侯家裏書千架。杜老尊前屋萬間。此事吾堪慰流落。邇來天亦妬窮閒。反風待禱真虛語。暝雨無方自厚顏。間挈殘家過西塢。風流還許幾生還。

正仲今年鄴城之約不就因次韻慰悅之

莫怪詩翁不出山。詩多那得是山間。清溪欲暖鶯啼樹。白日無人犬臥關。不惜野花簪素髮。時憑春酒轉朱顏。當年阮籍何曾達。直到途窮始哭還。

送于知州

居官難得是全名。于守年多政轉清。身為素王扶墜戶。手提赤子出飢坑。使來公館文書簡。吏退私齋几硯橫。似此雍容好風度。天邊看著繡衣行。

壬午六月八日書懷

懷人故國鱗鴻絕。避地春園草樹長。四壁空存醫俗具。千金難售賣獸方。其兒坐誦脩吳語。有客行歌銜楚裝。昨夜見花搖作夢。南風吹海白茫茫。

五十三 杖錫寺

仙草漫漫路不分。鍾魚那許外間聞。涼天九月已飛雪。晴日西山猶帶雲。火後客誇新屋樣。兵前僧惜舊碑文。藤湖

只去招提頂見說澆田可種耘

四明山中逢晴

一岡一澗一縈隈新歲新晴始此迴莎坂南風兩蛤出茅
簷西日一禽來人迷白路羊羣石水捲青天雪裏雷猶是
淡山有寒食梨花無數繞巖開

五六 魏文節公墓

萬騎南來駐不畱衣冠客此鎮林上寒巖碎裂從中起亂
水喧鳴竟獨流故物今惟存寓馬當年誰為指眠牛墳傍
小寺終村俗畫柱紗籠護冕旒

辛亥歲七夕醉陪諸公登西湖竹閣

畫鷁凌風汗漫遊雨聲飛出萬山頭江湖望闊邊城起吳

今刻誤護

越音多客思柔野樹有枝猶繫馬官荷無葉不藏鷗十年
浪走紅塵道今日臨城始識秋

蔡輿食藕

腹連淒斷

地逢平處亦縈迴不是逃兵底何來坡上一祠猶姓蔡山
前當路盡通台高巖童去收桐子鄰縣人過問藕栽忽見
淡衣老儒者清時不信少遺材

辛巳歲六月三日書事

急報傳來又不真迎門翁稚笑聲頻情懷經苦思平世顏
貌緣愁似老人兵後尙多難料事山中誰是自由身沙瓶
酒醞鮭蔬有領取燈花一樹春

耕休

耕休何處散煩勞。東埭西梁信所遭。溪水清清照魚影。山
風細細落松毛。無名野草疑皆藥。有韻村謠例近騷。稽古
祇堪農圃用。莫將車馬誤兒曹。

畚齋次韻

貧賤知心老弟兄。祇疑相得似前生。避窮無地猶貪學。負
謫如天底用名。兵後脫身宜共惜。書中薄業尙堪耕。殷勤
預約頻頻見。未見亦須頻寄聲。

保福寺

漫天蘿蔓斷追尋。猶有人嫌未苦深。屋古滲當風雨氣。僧
馴化得虎狼心。松花晝暖蜂科蜜。梅子春殘鳥戀陰。不應
初來便忘去。身閒處處是山林。

張景忠學正之平江

江南最好說蘇州。傷得閒官也自由。市舍酒香春四坐。湖
田租熟雪千舟。歌成爛漫烏絲寫。意到縈紆畫鷁游。我亦
少年心性在。經從準擬作遨頭。

鮮于伯機家釣臺石

人間巖石亂紛紛。巖子臺名最喜聞。何術縮渠千里脈。有
人分得兩峰雲。天邊路遠星還動。江上潮回日又曛。解道
泥塗等軒冕。東西更有范希文。

公腹連有意

辛丑歲十一月二十六日東歸舟中示三子

節物悠悠不負公。江行三日雪花風。雲侵賀監山亭白日
在。徐仙海島紅。自笑得雛如病鶴也。思結伴附歸鴻。何時

辦得村田活糲飯魚羹百指同

歸自西關有作簡余率公鈔使

白髮微官小祝同也隨年少踏春風鄉心幾夜馬生角世
味一時龜脫筍紅旆戍樓花整整綠莎溪路水茸茸歸來
健羨余公子卷帙如山一覽空

貴溪董教諭回里

八月暄暄似小春鄞江歸客楚江濱夢中鱸膾紫蓴菜畫
裏紵袍烏角巾不枉誇張別風土有時吟嘯雜仙真年高
官滿身輕健聊復婆娑亦可人

陳無逸教諭赴攸州

白露西風湘水清蒼霞南岳晚天明離家休說三千里行

道新看第一程橋味熟來思母遺草名疑處教兒評人生
誰是安居者早拾貂蟬映父兄

腹連佳

周東鄉載酒冰溪上因遊岳祠醉作

葫蘆城下草平沙狼牙峰前溪吐花晴日路塵清野馬空
林人語亂神鴉饒思火甕生燒筍渴愛山爐熟煮茶投老
遠遊何所惜爲君歡坐岸烏紗

次韻東魯省游石龜山

一舸悠悠醉又醒溪山無語意分明龜身何日化蒼石鶴
背有人遊紫清百榼頻空看少俊千金難買是春晴筵端
宋玉尤騷絕游戲長歌復短行

寄趙子昂

頻別校本作須
作頻是

溪上輕雲去若飛。花間密石靜相依。遲行自愛款段馬。雜坐誰嗔短後衣。江海於人元不薄。風流如此欲安歸。集賢學士吾兄弟。近日音書亦較稀。

叵友內翰趙公晦叔哀詩

振鷺庭中飮坐身。行藏空寄輓蒲輪。上來鬼泣荆山璞。獵罷人驚魯外麟。死可扣閭排貴倖。貧猶傾橐施鄉親。平生一一明經術。雋永依然世澤新。

次韻荅貴白

斗粟千錢不易酬。海風吹斷寄詩郵。誰家盛設蟹黃餅。有客翻披狐白裘。春樹自隨冬樹老。官河長挾野河流。隔生兄弟何須說。來作城南十日遊。

清華堂

人生隨分有清華。萬竹岡頭第一家。螿塹水溫初苜蓿。粉牆風細欲梨花。衣冠蒼皓迎如畫。細素朱黃積滿車。從此儒林添膾炙。老夫先借小詩誇。

陸君采都目入閩

趨閩漸近解閩吟。公子來時夏欲深。滾捲地翠棚榕樹驛。漫天紅錦荔枝林。官庖雋永多珍膾。野語喁嘲有怪禽。風物自佳難逗遛。浙江歸棹待相尋。近唐

亞尹黃侯慮囚溫處婺三州

金華瓌秀抵仙都。雁宕石門天下無。眼見朱幡出雲霧。手提丹筆洗焦枯。海魚味爽休多食。嶺馬程艱合緩驅。定有

車前投贄者幅巾麻褐是真儒

簡湯及翁

六十三翁尚美髯今年添盡白粼粼心如晚路思家馬身
似春筐欲繭蠶無事官曹容岸幘有時書帙當清談風情
最苦湯公子家世衣冠舊汝南

舒子俊見過

來往通家不厭頻青山心性白雲身陰林石溜風傳語霜
月溪梁水寫真歲儉魚鮭難猝致天寒烏鳥自相親燎爐
薪暖糟牀響隨分歡畱作好春

以家事付諸兒惟不得姑蘇陸氏女子消息

祇憐地僻少過從更許年衰養惰慵行健有時尋近局起

別校本頂疑項
作項是

遲嘗日到高春鹿皮冠野頻頻戴賊頂蔬麤款款供兒女
團欒俱在眼獨憐無信過吳松

江海

江海三秋古鄮城山林百拙剡溪生歸來鄉國方為客絕
盡交遊更畏名白帽管寧形態醜黃金季布語言輕荒齋
竟日無人事自作長歌寄好聲

兵後復還白巖山所舍作

脫命歸來意恍然餘生堪喜亦堪憐財逢亂世真如土人
到窮途始信天問訊比鄰晡爨後呻吟兒女夜燈前明朝
又作安西計飯後誰家沁雪田

鄞塘田家

經秋心事轉衰頽。客舍山村病眼開。識路牛羊緣坂過。通家燕雀下簷來。飢從野榼分蔬飯。渴指鄰帘貰黍醅。世事百年誰較是。髯公鼻息晝如雷。

江村遇九日

去年九月江城角。尚得臨風把一盃。今歲併無黃菊看。誰家更遣白衣來。身猶是雁飛難泊。時不如潮去解回。還有南山會人意。晚舟相對碧崔嵬。

漸近自然

再寄曹居士習之

江海悠悠不爲名。年深識盡世間情。於人有信惟潮候。去處無嗔是鵲聲。新欲收書添累重。舊曾學劍向財輕。如何此日投閒迹。又結精廬傍古城。

兵後見三江口木芙蓉盛開

江上積花無數生。紅紅白白照江明。當年茂苑看曾厭。今日荒村望急驚。泣雨羈臣愁去闕。歌風豔女惜傾城。蕭條欲別那拌得。移向東籬配菊英。

遊西峯余兒時讀書其旁

山迴水抱西峰寺。二十年前日日來。一出居然負丘壑。深藏還此遠風埃。農樵識面逢多問。魚鳥知心見不猜。家世剡人須住剡。相尋未識百千回。

鮪鮓唐鄉貢丈置酒悟空寺見款

南宮通籍唐先輩。白髮天寒海上洲。五鼎已推華屋夢。一尊猶及少年遊。桃源有吏今安避。銅雀何人死亦休。祇羨

別本校識疑作厭作厭是鮪當作埼

龍鍾老禪伯倚欄無語看沙鷗

調貴白

客裏光陰取次休嫩寒一夜襲衣裘不須多畏趙盾日正
好淡悲宋玉秋紅葉舊題猶在手黃梁新夢又從頭餘糧
栖畝猶圍坐此事輸君第幾籌

此刻誤梁

白巖山

漠漠溪風吹路塵白巖山下幾窮身秋淡竹色老於樹晝
靜鳥羣喧勝人何處人家藏剡錄有時行客裏唐巾平生
笑殺朱翁子剛為乘車棄負薪

絕句

五言

班婕妤題扇圖

時情任銷歇閨思轉慙慙也勝山陰媪揮毫託右軍不倫

子昂秋林行客圖

此從荆川駁體也

石棱棱而白出樹悄悄以紅披嗟紅衣之嘉客方策蹇以
何之趙戴至契金趙之出固不待不佩之也

此刻誤紅

五雜組

此當編入古體中

五雜組金花綾往復來官路程不獲已始歸耕
五雜組斑斕衣往復來反哺兒不獲已為人師

絕句

七言

張騫乘槎圖

數尺枯槎底易騎海風吹浪白瀾瀾如今市上君平少曾
到天河也不知

呂氏六桂堂

年少奔馳有底忙，棘闈蘭署夢茫茫。白頭鞍馬風沙裏，聽說燕山六桂堂。

周秀才惠貓

狸兒輕捷豹兒斑，作勢擒生也不難。漸覺形神欲相賀，青奴黃嬾夜平安。
青奴不畏鼠

汪濟秀才飯牛稿

冰雪玲瓏汪太中，吟詩十葉有家風。天寒日暮江東道，逢此顰伸牛口翁。

蘇李圖

塞北中郎雪滿頭，隴西壯士淚沾裘。人生百歲能多少，直

至如今說未休。

元廟二道士俱以酒死

張髯好客月千壺，余吃清貧逐斗沽。二子若逢仙讌會，化成一對酒葫蘆。

六卅五 湖州

山從天日成羣出，水傍太湖分港流。行遍江南清麗地，人生只合住湖州。

其二

一飽懸天不待求，幾人乾白少年頭。君看滾滾東流水，到

海成淵始懶流。

無人拈出

六四十一

題陳汝朝百鷺圖

汝朝南

葦折荷枯可奈何、西風吹影淨婆娑、微君作此超搖趣、一箇江天也厭多、

因營張村蠻窩并書所見

老子來無一把茅、居然得此好窪坳、開塘謹避蛟龍窟、伐樹須存烏鵲巢、

其二

頭白西來不買田、時時卻費買山錢、一丘一壑吾歸矣、守得田多是幾年、

其三

男兒三十氣吞牛、漏盡鐘鳴走未休、不問征西并處士、山中一樣土饅頭、

百雁圖

近看分明遠欲無、水天空闊好江湖、幸然不入虞人眼、又被閒中畫作圖、
作畫畫
依下又被向意似从原本較妥洽

題番陽徐氏雙頭牡丹圖

天公刁化不經意、雙萼忽然枝葉同、一似人間好兄弟、朱鞍錦轡踏春風、

陳公哲梅花百詠

梅下故人呼不應、石橋溪寺水泠泠、回頭聽得陳驚坐、一似春風吹夢醒、

其二

雪後西湖空碧波、酒徒消散也無多、白頭醒眼春風裏、奈

此梅花百詠何

張道士求橙林詩

地移淮橘多成枳人說江梅竟是枳蜀木似橙成底用盛
時名字落江南

酬陳秀才

一春一百二十日日日開眉得幾人直與破除風雨去今
年渾似不添春

六廿一 賦董氏雙岐竹

山莊一對青青玉瀟灑天然同榦生說與人間好兄弟時
來林下聽風聲

讀書有感

魯女悲嗟起夜深當年枉卻淚沾襟如今已免鄰人笑老
大知無欲嫁心

其二

最愛徐生欲避秦海天東去不通津絕知勝似桃源境男
女同行五百人

六廿二 題子昂照夜白

風前新解錦鞍鞵雪色模糊霧色寒此物人間無處着干
金祇得畫圖看

六廿三 題蘇李泣別圖二首

弓疲矢盡三千里節弊衣穿十九年流落天涯有離別當
時誰擬畫圖傳

留夢炎輩佛家
已設無間地獄相
待不可為他却用
李郊一面

其二

沙雲如雪雪如塵握手相看語語真多少世間無淚面一
生錯笑隴西人

又以此說不得隴西人到已無可說自謂罪通於天也

馬浩秀才攜秋日海棠詩見過

山城八月有春風一樹嫣紅淡又濃縱使失時無態度也
勝茉莉與芙蓉

奉化城西三溪口

青林白石三溪口斑筍黃梅四月頭正好清遊誰懶得幸
無公事且歸休

六 題趙子昂疊岫圖 二首

百折雲顛路儘通無名怪木淡書空相逢無問秋江客不

是巴中是剡中

書空是宋人惡字面

其二

白石青林底處無侵雲亦有小屠蘇桔花飛盡不歸去揮
汗江城看畫圖

六 九月西城無澗同陳道士衡上人對坐

仙翁面帶江海色釋子口融冰雪漿同是西風未歸客燒
香煮茗作重陽

其二

巾衣三客不須同泉石相看我亦翁最惜一軒秋爛漫芙
蓉池上木犀風

六 西興馬上

去時風雨客匆匆，歸路霜晴水樹紅。
一抹淡山天上下，馬蹄新出浪花中。

六四 贈屋西小陳秀才

名公凱余字以無過

年少飢寒不足憂，笑談有味自風流。
等閒輒贈兩兔穎，待看修成五鳳樓。

其二

毛錐自是今無用，鐵硯還知古可穿。
不惜日鈔三萬字，勝儲百畝剡中田。

六五 胡蝶

春山處處客思家，淡日村煙酒旆斜。
胡蝶不知人事別，繞牆閒弄紫藤花。

六六 夢中作

晴霞冠領朝紅滌，新漲連空晚綠酣。
惆悵春風倦游夢，木蘭亭上望淮南。

六七 入杭

曾江白酒樊江飯，處處當年客似家。
垂老重來舊相識，春風只有野桃花。

六八 題東玉師府所藏瀟湘圖

少年魂夢底曾閒，多在江湖煙水間。
今日精藍方丈地，倚窗眠看洞庭山。

六九 灼艾戲呈阮使君

鬢毛秋後轉漂零，愁坐窮簷展炙經。
得似畫堂歌吹裏，疏

黃鍾乳按娉婷

六十一 水墨梅花

抄本注或云子昂作

江海歸來見似人，離披猶自少風塵。何如淡月山莊夜，百幅清溪亂寫真。

六十二 贈陸相師

江南江北路漫漫，七十九翁能往還。今代貴人容易識，臥龍不在草廬間。

六十三 題伏生授書圖

白頭不死見時清，子女相依解授經。何用生男作鼃錯，乃翁一語不曾聽。
下二語終是強為之說

六十四 題江干初雪圖

斷樹寒雲古岸隈，漁翁初撥小船開。看渠風雪忙如許，還有魚兒上釣來。

六十五 銅山寺口初見梅花書寄何則顏二首

酒

吳歌楚舞送年華，憶着終還不似家。今日春風吹夢醒，銅山寺口見梅花。

其二

沙疎石瘦水涓涓，折得梅花費兩年。更與何人說瀟灑，香中行坐水中眠。

六十六 戊戌清明杭邸坐雪

思鄉處處只愁生，正好春遊又不晴。雪是梨花雲是柳，馬婆巷口過清明。

○六十七 四明山中十絕

雁飛不斷楚天長，雲路霜林級級黃。何處人煙有墟落，北風高壠散牛羊。

右楓樹坑

山深不見焙茶人，霜日清妍樹樹春。最有風情是巖水，味甘如乳色如銀。

右茶焙

小橫欲盡大橫來，萬壑千巖洶湧開。聞道洞天深幾許，紫雲深處有樓臺。

右大小橫山

亂雲穿盡得平蕪，一段冰寒碧玉壺。猶是春風未相棄，山前吹長萬龍鬚。

右北溪

洞深煙樹碧氤氳，只采靈苗不采薪。問山着蹤由多懶說，相逢莫有姓韓人。

右韓采巖

怪石驚湍吼不休，時時巖客飲寒牛。誰知此水明州去，浸作琉璃萬頃秋。

右莽廣溪

七里黃泥紅樹岡，西風果熟一村香。居人只道山深好，三百年來是戰場。

右木蘭

仙在人間不易尋，當時已道是山深。可憐華表標題處，夜夜猿啼楓樹林。

右仙山

兩頰稜稜額下分，更無坳處可藏雲。西風怕奪行人眼，蕎麥滿山鋪錦雲。

右羊額嶺

劉郎一去杳無蹤，水白山青只故宮。欲問巖前老松樹，人間禁得幾秋風。

右白水

六十八 題趙大年蘆雁

寒更索索警霜叢。兄弟當年意自同。猶是江湖太平處。未妨沈着臥秋風。

六十九 謝鄰友陳仲學秀才惠王芎苗二首

坊州杜若自堪羞。沛國青粘亦懶求。那似一叢蒼鳳尾。等閒收味古甃甌。

其二

君家自有頭風藥。種在青青竹素園。此物但堪供暑啜。何來相就發清言。

六十 瑞上人求詩

寶葉山中源悟師。布衲百結面如癡。十年相憶忽在眼。談笑甚似仍耽詩。

其二

源公作詩可憐生。亦有謾謾山林聲。見說丰姿委縑素。霜頰黛頂照人明。

六十二 茅齋

紅杏園林雨過花。遠陂淡草亂鳴蛙。春風不問茅齋小。自向階前長筍芽。

六十三 感舊歌者

牡丹紅豆豔春天。檀板朱絲錦色箋。頭白江南一尊酒。無人知是李龜年。

六十四 蕭照春江煙雨圖

波痕如樹樹如煙。更是春陰小雨天。何處得魚何處醉。筍

皮蓬底解衰眠

六廿五 西塞山圖

空中生業寄魚蓑。雲是親情水是家。便有蹤由無處覓。春風岸岸野桃花。

六廿六 李元中秀才歲晚游諸公間

愁中待醉何曾醉。夢裏還家不是家。輸與山行窮學究。一筇一笠看梅花。

六廿七 丙午清明日青塘道中

三里五里沙路平。一番兩番溪雨聲。無奈春風動人處。紫荊青李滿林生。

六廿八 桃花寺石臺

臺前藤蘚碧交加。臺下清流直又斜。待得丹成知幾日。春風隨分野桃花。

六廿九 有人示山水畫卷以爲元暉作求詩

抄本作宋元暉山水

硯山山下小於菟。文彩爛斑今亦無。一場亂雲濃似漆。春風吹夢過西湖。

六卅 題孟浩然霜曉吟行圖

霜風颯颯攬吟鞍。童怖驢愁作許難。便使玉堂遭遇去。朝參更。是五更寒。

六卅一 荀陳聚星圖

州里相過未厭頻。居然蹤跡動星辰。當時多小輝煌者。不畫諸公畫此人。

六廿二 梁楷畫雪塞游騎圖

聳脰攢蹄一駐鞍。羶衣韋帽白漫漫。祇應田舍騎牛者。無此風沙踏雪寒。

六廿三 過姑蘇

水天彌望接青蕪。雲氣漫漫近又無。一色好風三百里。挂帆安坐過姑蘇。

六廿四 五雲山圖 子昂為戚氏作

林廬深插紫孱顏。一點漁舟帶暝還。但得身閒無俯仰。人間處處五雲山。

六廿六 雨中過泉教張子開名先遇

平生剝夢十八九。短策還經靜者居。一曲好溪山起處。數

小注三字

聲疎雨雪來初

其二

衣冠顛倒君休怪。筋力過從我有餘。卻笑秋風洛陽掾。得歸猶望食鱸魚。

六廿七 次韻荅鄰友近况六首

十百琅玕接屋山。麥花淡白菜花斑。林有園富貴誰消得。更看溪南墨牡丹。

其二

炊成日影三竿直。睡起溪流一尺高。懵懂不知何歲月。山風吹白鏡中毛。

其三

有此刻誤

祝雞歸後放牛初，小立溪梁看打魚。
漸喜村鄰盡相識，向來朋舊卻無書。

其四

剡源田舍誰能識，只此桃源有路通。
草長岸漫漁塹北，月明人語紙槽東。

其五

三間瓦屋數弓園，旋學桑麻又一年。
村酒沾唇頻得醉，山歌出口卽成篇。

其六

舍南舍北種田郎，唱得田歌曲曲長。
莫學傍村遊俠輩，茜紅抹額臂擎蒼。

蒼韻歌後

六廿八

送陳養晦謁閩風舒先生四首

嚼雪餐冰二十年，空山日月自風煙。
從君識盡揆詩法，不透薊巖不是仙。

薊巖山名

其二

大篇無法須自悟，小語有益最難尋。
祇今人嫌此老謔，後來追憶直千金。

其三

大冠襜袂走紛紛，對面可容三斗塵。
便令眼識天下士，此子已勝尋常人。

其四

無詩莫入閩風里，到卻閩風那有詩。
拾取松風作新曲，歸

來時向夢中吹

六世九

同曹泰宇賦寶化鳳花二首

曹名說字習之

花開難得年年看住近須還日日來古壁危闌自顏色不煩高築鳳凰臺

鳳凰不出幾何年莫怪山花惜借杜鵑一樣春風好毛羽回

頭曾管蜀山川鳳以杜鵑花為之

六四十一 過鄧山祠塾作

滄江城闕三义口略白日弦歌數畝宮猶有祠宮舊楊柳向人離立管春風

道光乙巳三月上旬炳垣點讀是冊畢

睡熊

剡源集卷第三十

庚午十月十四日依明善堂藏鈔本校廿九冊兩卷藏園居士書齋記

跋

戴帥初剡源集三十卷一刻於洪武初宋景濂為司業時再編於嘉靖中周儀羽可重刻於萬厯間後裔戴洵今世所行者皆此本而頗不易觀余購之久矣嘉慶辛未冬訪老友鮑君以文於烏戍時君病足不能起畱坐榻前情話竟日竝許以此書見貽老人善忘是冬未能即寄明年春余有關中之役及乙亥返里已嬰末疾欲遣烏戍未果而君且歸道山余自茗雪還迂道烏戍命兒子戾代奠生芻值令嗣志祖它出晤於吳門因及此書今年四月又見志祖於吳興復申前說既別輾轉覓寄八月始達常州知為竹垞秋岳藏本鮑君亦嘗校之書誠不易觀而購之者亦

熒源集卷之三
三十三
綦勞矣爰識得書所從來竝及鮑氏兩世交誼至於帥初
之文自爲宋文憲推服泊乎 國朝已入四庫久經論定
不更贅云嘉慶丁丑九月收庵叟趙懷玉力疾書

熒源集札記

道光二十年五

月八日立人題

余既得袁清容居士集元槧本五十卷刊之清容爲戴剡源先生弟子剡源集無論明初所刻卽嘉靖間周儀菟輯者亦殘佚不易得余家所藏卽黃梨洲先生所從選錄不全本蓋是集幾湮失久矣今所刊三十卷者寶山毛君生翁得於武進李申耆太史太史得於同郡趙味辛司馬司馬則得於湖州鮑以文孝廉司馬跋云是書爲竹垞秋岳兩先生藏本鮑君亦嘗校之今觀書中回易刪加朱墨爛然皆無主名不能分別某者爲何氏其明確者旣胥從之而意有未安亦弗敢徇至原本字畫音義顯繆脫者輒以己意參攷補正疑者闕之其朱墨校改者旣不能辨爲何氏則統以或云括之而余所更定者則率隨文條列又原

本詩文間有空字或仍或否亦率注明以存原刻體制凡三閱月是書始少完具可繕寫付剗劂夫剡源先生之文章淳博奇雅義法整瞻宋末元初爲東南一大家宋金華諸賢多論著之矣而惟是實事求是之心不敢攘善不敢臆決區區矜慎所由刊刻者略述其大端以告後世且使海內博物君子得匡其疏漏云道光二十年五月三日上海郁松年泰峰氏書於宜稼堂

重刻剡源集札記

上海郁松年泰峰氏撰

原本每葉二十四行每行二十三字

目錄

剡源先生自序在元史本傳下原本編次列於諸家序末在目錄前今改正

第七卷左氏窺斑序斑原本誤班今改 于景龍注朱氏小學書序于原本作干案後題及文竝作于朱原本作宋後題作朱今竝改 程宗旦古詩編序古原本脫今據後題補

第十五卷曾君墓誌銘曾原本誤曹今據後題改

第十八卷題徐可與詩與原本誤興 題寶葉真真誤貝
題獎孝詩卷後獎誤蔣 題坡書歐陽公鷓鴣圖鷓
誤鴨今竝據後題改

自第十八卷題盧鴻草堂圖至第十九卷題趙子昂摹龍
眠飛騎習射圖原本闕一葉今據後題補

第二十一卷觀漁賦漁原本誤魚今據後題改

第二十二卷讀蔡氏獨斷讀原本誤續 辨孔壁傳壁誤

璧今據後題改 眾祭徐子方承旨文承誤丞後題同

後題或改承今據以改 祭張村干廚奧山神文奧原

本作畧案字書無畧字奧與奧隩通清容集及集中多

从奧其从畧者今竝改

第二十五卷孟之反不伐一章下文有子曰富與貴一章

目錄誤在中庸其至矣乎下今改正 故至誠無息三

節 謙尊而光二句原本竝誤一章 祭如在一節節

誤章今竝據後題及文改

第二十六卷良冶之子至馬前 滄浪之水清兮二節

惻隱之心八句原本竝誤作一章今改

第二十七卷五言古詩九十八首原本誤作四十五首中

有賀阮侯伯子題標明排律十七韻餘俱古體原本作

排律十六首舛誤殊甚今竝改

第二十八卷六十五首五原本誤四今改

第二十九卷一百首原本誤作九十九首今改

第三十卷律詩七言原本誤首今改

卷第一

仁壽殿記常棣伐木之燕樂常原本誤棠今改 洪惟皇

元原本惟下空十四字今不空

和靖書院記艱關載而南原本闕下空一字今仍空

美化書院記翼廟廡廡原本誤廉或改廡今從之

稼軒書院興造記遂始竟堂寢齋廡門臺廡原本誤廉

問地廣袤若何衰誤衰 財計羸縮若何羸誤羸今竝

改

銀峰義塾記競競然惟恐墜思齋基構是懼競競或改兢

兢非說見清容集札記今從原本 未遠於耳目間乎

遠原本誤達或改遠今從之

當塗戶曹掾續題名記待己尊而期澤物也急原本待下

誤空一字今不空

三江鹽場興造記父老擁坐而交賀案字書無坐字說文

赤部坐則古文赤字或疑古文地字坐之誤文攷說文

土部圣云汝頰之間謂致力於地曰圣讀若兔窟坐云

土塊坐坐也圣與坐字尤形近然擁赤擁地擁圣皆不

詞當是坐字之譌無他本可校姑仍之 以人人計者

二人字疑有衍譌

喬木亭記鳴鐘鼉鼓鼓原本脫或補今從之

紫芝亭記潤爲榮河榮原本作榮案梁簡文帝大法頌榮

垣按坐當是俗
灶之訛

河恥其祥潤又徐陵文堯舜之臣榮河鏤其金版與上
祥風爲對文當作榮若榮則澤名耳於義不協今改

卷第二

質野堂記客聞而愈笑聞原本誤問今改

水心雲意樓記而何以有取於水與雲乎何原本誤可或
改何今從之 清人之突未黔突原本作突攷說文宀
部突淡也一曰竈突从宀从火从求省案突爲淡淺之
淡正字又爲竈突字也突爲犬從宀中暫出非義此
如暝雲歸山暝誤暝今竝改

養心齋記教子以佚老佚老原本誤供者或改佚老今
之東湖東誤東或改東今竝從之

突

學古齋記揚子雲揚原本誤楊 余問仲實問誤聞今竝

改

愛日齋記吾甚愛揚雄氏之言愛日也揚原本誤楊 越
之姻連多良儒連作媿案字書無此字今竝改

卷第三

容膝軒記則當席地而坐當原本誤常或改當今從之
餘軒記憤焉與凡民何異憤原本誤貴或改憤今從之
省軒記雖陰暝霾晦暝原本誤暝 浮揚子揚誤楊今竝

改 齋戒也省於肸蠻肸誤盼或改肸今從之

清茂軒記蹤跡宜可考見跡原本誤踪今改

松風閣記萬物枯槁鳥棲獸藏槁原本誤稿鳥誤烏今竝

改 飯蔬飲水飯誤飲或改飯今從之
拂雲閣記澄觀反視反原本誤及或改反 種種皆不可
得皆誤何或改皆 廬西峰下原本作慮清清西廬峰
下或刪改當有所據今竝從之

芷屋記嘗以芷屋名其居芷原本誤芝或改芷今從之
如江蘿杜衡蘿誤籬今改

擬晉山房記一旦猝然起之猝原本誤倅或改猝今從之

卷第四

陶莊記因而疏翎流之波以爲池案字書無翎字疑作翎
冰谷記爲霜爲雪爲雹雹原本誤電或改雹 聞里之窶
人之誤人或改之今竝從之

文溪記喜則藉溪石而謠藉原本誤籍今改

西村記而况循循然者乎况原本誤元或改况今從之
中枝山葬記緣之而起起原本誤人或改起今從之

丹泉墓記姑取荒遠一微僚僚原本誤潦或改僚今從之

唐畫西域圖記或識題下云此篇缺後半段雖黎洲先生

選刻亦未見也頃從鮑從善鈔本校補惜世無知之者

嘉慶壬申五月二十六日補寫改正六字刪二字介叟

時年八十又五今案每國畫一王而一二奴前後挾持

之畫原本作書前原本作於解衽原本作微解一奴皮

鞞髮皮原本作布故若是泯泯不著泯泯原本作淺淺

實改七字云六者蓋不數重字也原本篇末誠可比於

介叟乃乾深飲
先生晚年自誦

不雕之朴矣乎矣乎二字刪下補未散之質至與之共
焉二百七十三字竝從之 餘器藻鏤精潤鏤誤黹
魚肉款賴賴誤籟今竝改

寶陀山所見記駭眩驚怛眩原本作駭案玉篇馬一歲曰
駭與文義不合當是眩之誤文今改 故至誠如神豈
非然耶然原本誤能或改然今從之

損庵記凡吾子之所自名子字疑衍

順寧庵記劉伯倫之荷鋪倫原本誤伶或改倫案劉伶字
伯倫今從之

西原庵記六年次昌國普慈八年撤普慈一新之普原本
竝誤晉或改普 此世之達人之誤世或改之今竝從

之

卷第五

會稽唐氏墓記至擇葬地地原本誤也今改

小方門戴氏居葬記次子萬三三府君諱杏案字書木部
山部竝無杏字

計籌山昇元報德觀記有壇尋丈丈原本誤文 它日余
持此說也它誤宅今竝改

程母二夫人祠堂記緣飾覆護飾原本誤飭或改飾今從
之

固海宿雲山崇勝寺記前此構寺者此原本誤於或改此
今從之 簦笠扉履之所不及扉誤扉案說文扉戶扇

也扉履屬釋名草履曰扉扉與扉義別今改
天壽報本寺記則風煙林莽間煙原本誤湮今改

卷第六

杭州祐聖觀記藉有司之力藉原本誤籍今改

重建瑞龍威德寺記以爲昔馬祖禪師昔原本誤時今改

大臨崇弼等案字書無弼字當是弼字誤文

此樂堂記適無牴牾原本誤抵或改牴 令樂天在令
誤今或改令竝從之

冰雪相看之居記吳成季法師之居季原本誤李今改

晚香堂記華編巍榜巍原本誤魏或改巍今從之

先天觀記原本益南又橋下空二字 過門益北下空五

字 曰淡處下空二字今仍空 橢而瓠腹者案器物

之狹而長者曰橢原本誤橢今改

卷第七

通鑑寤辯序時其羸詘 而不時其羸詘羸原本竝誤羸
或改羸今從之

讀易蠡測序余攷王制攷原本誤攷或改攷 一目卽了

日誤日或改日今竝從之 原本徐君涉世益下一字
漫滅今空

左氏窺斑序斑原本誤班或改斑 君已脫稿久矣稿誤
稿或改稿今竝從之

于景龍注朱氏小學書序如揚雄問方言揚原本誤楊凡

揚雄揚子雲卷內同今竝改 于君景龍龍誤音案目錄及題竝作龍今改

急就篇注釋補遺自序若黃帝之醫藥黃原本誤皇或改黃 中道輟書輟誤輒或改輟今竝從之

左氏蒙求序伯秀鬼然占居上游鬼原本誤蒐或改蒐今從之

奇童烈女寶鑑序而聒其視聽聒原本誤聒今改 雙溪王先生尙書小傳序原本作尙書小傳序雙溪王先生序下空一字案與諸題不一例今改

天原發微序絕地天通天通原本誤通天或改天通案本尙書呂刑今從之

王伯善農書序歲時屬耆老強壯老原本誤耆或改老今從之

齊東野語序雖孟子亦嘗爲齊學者也嘗原本誤當或改常非是今改嘗

卷第八

大學中庸孝經諸書集解音釋序使尋源者不迷其津津原本誤精今改

桐江詩集序而自有不容不似者自原本誤目或改自今從之

趙君理遺文序余時以爲景高好諛言諛原本誤庾今改 陳無逸詩序中經憂患經原本誤經或改經今從之

張君信詩序惟於攻詩最久於原本誤我或改於今從之
張仲實詩序實原本作寔案前張仲實文編序及目錄竝
作實作寔誤篇內同今竝改 譁爲訟謀譁原本誤謹
或改譁今從之

陳季淵詩序與遺完裕之同輩遺完盛推下之遺完疑竝
作遺山或遺完裕之作遺山元裕之山元二字誤合爲
完下遺完則遺山也無他本可校仍之

卷第九

董叔輝詩序倍華之木木原本誤末或改木 叔輝之詩
詩誤世或改詩今竝從之

國南仲詩後序又經鄉先生二公爐鞴鞴原本誤鑪案玉
篇鞴火拜切韋橐也可以吹火令熾亦作橐今改
長江和漁歌序昔元次山有浯溪詩浯原本誤洁或改浯
今從之

吳僧密古師詩序蓋天抉其疾抉原本誤快或改抉今從
之

圓至師詩文集序圓至師在天童育王時王原本誤土或
改王今從之

魁師詩序皇然摩鋼洒削雕鍛 摩鋼洒削雕鍛之喧煩
而爲美也鋼原本竝作鐱案字書金部無鐱字攷玉篇
鐱力預力魚二切錯也集韻鐱錯銅鐵也本作鋁與鐱
通攷說文金部鐱錯銅鐵也玉篇鐱錯也鋁同上考工

記秦無廬注廬或曰摩鑿之器疏柄須摩鑿使滑是摩
鑿連文今改

珣上人刪詩序則不如無言如無原本誤無如今改
余景游樂府編序同鄉友余君景游余原本誤朱案題及
目錄竝作余 陰在敦牂牂誤祥今竝改

卷第十

李氏族譜後序不可復考原本考下誤衍一考字或刪去
今從之

褒中雜詠圖詩序廉不剝物廉原本誤廣或改廉今從之
旌表節婦徐夫人詩序謹顯誦所聞聞原本誤聞今改
八月十六日張園玩月詩序而調娛其血氣調原本誤凋

或改調 嘯歌起止止誤上或改止今竝從之

游雲門若耶溪詩序原本於是暮春湍林下空二字今仍
空

游南巖詩序則榮之子義榮番陽湯及翁及翁案義榮以
父之字爲名及翁名字不異疑竝有誤

陵陽牟氏壽席詩序宜不能視昔之儉視原本誤親或改
視今從之

城東倡和小序卽相與循關垌關原本誤開案篇韻皆無
開字門部與十耕閑竝云門扉聲於義不合而玉篇閑
爲關俗字當是原文作關从俗作閑涉閑而誤爲開也
又關垌郊關垌野也今改正 伯玉旣和玉原本誤王

或改玉今從之 而張仲實陳無逸諸賢又皆有和和詩遂不可勝紀有和原本作和有或以又皆和有和詩爲句非是今改

游蘭亭詩序羊公悲峴山峴原本誤覘或改峴今從之
客樓冬夜會合詩序原本樓下誤空一字今不空

卷第十一

紫陽方使君文集序屈賈司馬班揚韓柳歐蘇之於文揚原本作楊案班揚數揚子雲也今改

千峰酬倡序故友謝皋羽 惜皋羽不在皋羽原本竝誤羽皋或改皋羽今從之

陸孟孫字士宗序遂名天下遂原本誤逐或改遂今從之

沃土不材沃原本作息案序本據魯語攷國語作沃原本誤今改

曹仲達字序蓋有闔垣揚軌闔原本誤闔案字書無闔字篇韻闔窺也窺垣義近字形亦相似今改

袁氏子字說序袁原本誤李或改袁今從之

王仲昭字說序從容廟廊容原本誤客或改容 無桁楊
柎械之辜桁誤術或改桁今竝從之楊誤揚今改

卷第十二

趙氏二子字序故以成季之志季原本誤李或改季今從之

唐氏十子字序命之皆名居名原本誤居或改名今從之

朱使君七子字序曰明日寬寬原本誤覺或改寬今從之
道上人字逢源序目不能使越仁義而視目原本誤自或
改目今從之

陸原章字序曰璋玉玉原本誤王或改玉今從之 曰樟
木其在人木其誤其木今改 余因家子少年子名原
章因疑作姻原誤元今改

卷第十三

送白廷玉赴常州教授序毗陵爲南中文獻之國南原本
作浙固誤似當作吳或改南必有所據 而有不盡於
鄉黨故舊盡原本誤書或改盡今竝從之

送盛元仁赴吉水教授序必足以檢括應接括原本誤捉
或改括 姻黨載餞於郊姻誤姻或改姻今竝從之
送杜孟傳之石門洞序若君家先大夫發明之夫原本誤
父或改夫今從之

送高虎臣序原本哀編載下空一字今仍空

送唐君儒序樵李唐君君儒樵原本誤携或改樵今從之
送陳養晦遠遊序揚雄汗穢而不慙揚原本誤楊今改

原本不惟厲吾下空一字今仍空 汧隴之北隴誤瀧
或改隴 平生名高交友名誤有或改名今竝從之

送鄭聖與遊關里序東南慷慨士大夫慨原本誤愷今改
葉茂叔之淮安序余嘗宦學經從宦原本誤官或改宦今
從之

卷第十四

送貢仲章序貢君仲章章原本誤璋或改章今從之

送曹士宏序其人英爽峭邁人原本誤亦或改人今從之

送吳州判還番陽詩序加大庭之治小俎庭疑作庖

送趙學古歸永嘉序一日脩羸滕羸滕原本誤羸勝或改

羸滕今改之

送老甘秀才序鄙棄科目日原本誤自或改目今從之

送宋吾省序此猶先王之遺澤也王原本誤生或改王今

從之

贈曹子貞編修序則又材高者既不吾屑原本又下有可

字或刪去材作相或改材今竝從之

敝羸羸儻儻誤

縑今改

送龔子敬序乃方從於大夫車馬後車原本空或補今從

之

贈相士歐陽生序而術常不敗常原本誤嘗今改

送李公度歸三茅序佯狂出門而逃 趙君非佯狂迷惑

者佯原本竝誤佯案佯玉篇彷彿也廣韻襍佯徒倚也

廣雅徜徉戲蕩也佯詐也淮南子兵略訓此善爲詐佯

者也又通作陽六書故亦借用詳史記凡佯字多作陽

詳宋世家箕子被髮佯狂正作佯今改

送郭以南爲道士北遊序言行誕謔誕原本誤談或改誕

今從之

送慶上人謁陳使君序陳公又天下之端直傳毅君子也
傳疑作專

送恩上人歸雲門序可以遣吾老遣原本誤遺或改遣
平生交友滿江海原本生下誤衍高字或刪去今竝從
之

送子儀上人北遊序顧為瀑布則有事瀑布原本有下衍
瀑布二字或刪去今從之

朱尉開伯求葬親費序今其車蓋過子之門者車原本誤
居或改車今從之

送鉛山王亦詵歸鄉序揚子江漁人揚原本誤楊今改
烏鳶蛇蚓之同也烏原本誤烏或改烏今從之

送柳道傳赴江山序銓格密銓原本誤詮今改
送鄭南仲赴昌化主簿序而南仲亦不能釋然以間於余
間疑作問 亦非必以其官也以其原本誤其以或改
以其今從之

送謝仲潛序每出經義策諸生經原本空或補 吾比鄰
里巷知識類也類誤頓或改類今竝從之

卷第十五

安陽胡氏考妣墓志銘嘗典掌本郡財賦財原本誤材今
改 夫忠於前夫誤失或改夫今從之

曾君墓志銘居士既蚤夜勗君子家于原本誤于或改于
今從之

吳君墓志銘墾殖日增墾原本誤懇今改以招延名師
招誤昭或改招今從之
楊氏考妣墓志銘入瞻槃杆之戒杆原本誤杆或改杆今
從之
游縣丞墓志銘原本次故迪功郎新會尉下空二字今仍
空
生爲勞儒死羈客星風瘴靈魂焉薄羈誤羈薄誤
簿今竝改
故玉林項君墓志銘似造物者似原本誤以或改似今從
之
不越月原本不下空一字今不空
卷第十六
單君範墓志銘有微名微原本誤徵或改微今從之

陳府君功父墓志銘原本一見奇待舉下空二字今仍空
風谷之琅然琅原本誤琅案說文玉部琅石之似玉
者琅訓琅玕似珠者玉篇訓與說文同而楚詞九歌璆
璠鳴兮琳琅又周禮夏官司馬振鐸注司馬法曰鐸聲
不過琅是琅有聲訓作琅非今改
伯妣袁氏夫人遷葬志銘幾無以容拜展原本誤展案
字書無展字今改

故道錄章公墓志銘將空洞霄山中霄原本作霄案說文
篇韻皆無霄字山名洞霄不名洞霄作霄誤今改
師
諱氏案氏當是民字誤文
代期未滿而退未原本誤
末
在元洞洞誤同案上兼住持元洞觀作洞今竝改

康濟甫墓志銘原本密州之下空一字今仍空

張允甫墓志銘被檄考校兩浙進士檄原本誤傲或改檄

今從之 獨力憊訣母母誤母今改

李思宣墓志銘皆有條貫貫原本誤貫今改

卷第十七

徐使君墓表華通直亦老原本華下誤空一字今不空

屢道賈平章意章誤意今改 原本庸敢竊附二賢下

空一字今仍空

五山陳公墓表次適趙銘案字書無銘字疑作銘 使後

來為者為下疑有脫文

徐耕道遷葬碣惟與宗族鄉黨相倡和與原本誤去今改

卷第十八

題繆氏族譜併遺故老不可物色者遺下似脫聞字原本

題徐可與詩卷即棄上壟廬舍壟原本誤襲或改壟今從

之

題陸渭南遺文鈔後若俗雅四六六原本誤三今改

題蜀蘇氏族譜後論揚雄之無後 夫揚雄之賢而文揚

原本竝誤楊今改

題趙幾仲詩編後皆其人手自料簡料原本誤科或改料

今從之

題梅庵柴君自書所作詩後與汪有連連原本作媿案字

書無媿字史記尉佗傳及蒼梧秦王有連注有連者連

姻也正作連今改

題萬竹王君詩後及退而輒相與歎其無成歎原本誤歡或改歎今從之

題京兆劉侯事後故顏真卿張巡之徒之不得死於矚下徒原本誤待或刪去待之二字與下李陵孔光之惜身顧蔭爲對文於義亦通第紬繹本文以如顏張者尙多故用之徒括之如李孔者亦然則省文矣徒與待字形相似而誤今改 李陵孔光之惜身顧蔭李誤季或改李 然猶時時桀驚驚誤驚或改驚今竝從之
題婺源武口王氏世系可知者爲唐尙書郎元暕原本誤暕案字書無暕字此暕字誤文今改

卷第十九

題趙侍郎誥固是趙氏家寶寶原本誤寶或改寶今從之
題陳了翁合浦與弟帖歸罪蔡卞卞原本誤下或改卞今從之

題陳強甫樂府輒略加彙括以通之括原本誤括今改
題趙子昂琴源律略後雖余之愚余原本誤舍或改余今從之

題唐師善談乘羣子弟載筆札羣原本誤郡或改羣 舉閭巷牀第猥褻近事第誤第或改第今竝從之
題徐山長講義余猶及見浙閩諸老先生浙原本誤折或改浙今從之

卷第二十一

跋宋元獻韓獻肅二公流盃小飲倡和詩帖元獻原本誤
元憲案目錄作元獻今改

遜齋銘芟槁鋤彊槁原本誤縞今改

奉化州庠小學箴揖遜折衝衝原本誤衡今改

袁氏字箴國袁氏子瓘案瓘卽袁清容長子國疑作越或
作郵或國上脫越字

知奉化州于伯顏去思碑儻恍外顧而無畱心恍或疑傷
誤是也案說文人部恍小兒國語曰恍飯不及一食玉
篇云恍公黃公橫二切國語云恍飯不及壺飧注云恍
大也大飯謂盛饌與許異義攷廣韻十一唐恍盛兒義

同韋十二庚恍小兒春秋國語曰恍飯不及壺飧則義
同許是恍有大小二義公黃切者大也公橫切者小也
故廣韻兩收之而許訓恍則爲小也意許所見越語是
一食非壺飧壺飧小飯不及一食大飯不及壺飧其喻
輕重等耳故許以小爲義則儻恍亦有本仍之 三年
科徭平徭原本誤搖 繫此樂石石誤右今竝改
卷第二十一

可竹軒賦弛擔揮耄擔原本誤稽 瑰質瑋狀瑋誤瑋

竹當輾爾而笑輾誤輾今竝改

一大庵賦原本豈不知夫郊之獲爲飽下空二字今仍空
孰與古之黔婁萊蕪賢 萊蕪賢而生無炊萊竝誤

菜或改萊今從之

喜友堂賦揚襟振弁揚原本誤楊今改

靜軒賦於是教之以學默默原本誤然或改默今從之

不得已於處於誤而今改

容容齋賦濯纓於清泠之流泠原本誤冷今改

蠅虎賦不爪距而凶爪原本誤瓜今改

卷第二十二

讀吳起傳齧母而訣

今改

伍子胥列傳而伍奢傳其子建傳原本誤傳今改

蘇秦傳豈得以魯仲連虞卿之事比之哉虞原本誤虛或

改虞今從之

樗里子甘茂甘羅魏冉白起王翦列傳採果於垂熟採原

本誤林或改採今從之

孟子荀卿列傳猶賢於他氏萬萬也

竝誤事案下屢云學他氏者今改

誤末或改夫今從之

伯夷叔齊列傳吾太史公表伯夷爲列傳首吾下疑有脫

字

商鞅傳屢與齊晉爭盟晉原本作桓案吳楚不獨與齊桓

爭盟且吳未嘗與齊桓爭篇中屢舉齊桓晉文此不當

獨云齊桓作桓誤今改

不六世而席卷先王之疆宇

疆誤彊 汲汲然富彊之術彊誤疆今竝改

卷第二十三

佩韋辨時徒維攝提格案徒爾雅作屠屠徒古通惟爾雅
釋天太歲在戊曰著雍在己曰屠維史記歷術甲子篇
徒維敦牂索隱曰徒維戊也敦牂午也祝犁協洽索隱
曰祝犁己也爾雅作著雍凡八見戊皆曰徒維己皆曰
祝犁與爾雅正相反而歲陰則天官書皆與爾雅合又
攷淮南子天文訓午在戊曰著雍高誘注在戊言位在
中央萬物繁養四方故曰著雍未在己曰屠維注在己
言萬物各成其性故曰屠維屠別維離也是歲陽在戊
古皆曰著雍在己皆曰屠維明矣而史記與索隱歲陽

互易者或是傳寫譌也案此文後書云己卯前前者戊
寅也不曰著雍曰徒維是從史記

眾祭徐子方承旨文承原本誤丞或改承今從之 原本
死而下空一字今仍空

祭張復山長文不羸五秉之入羸原本誤羸今改

祭趙丞文原本弱罷市上空一字今仍空

代千奴監司歸祭祖考妣文匪以飾哀飾原本誤飭今改
遷奉祠堂文昭告于戴氏初祖原本于下空十字今不空
祭徐母吳氏夫人文而能督飭孩稚飭原本誤飾今改

以使遠異乎凡珉珉誤岷或改珉今從之 孟接遷鄰
發誤婺今改

卷第二十四

標題書啟啟原本脫今據目錄補

趙氏婚啟開百世之祥百原本誤八今改

回弋陽趙教授啟以鳴伐木之求鳴原本誤鳴今改

回舒子燕送鷺酒啟政自安於儉陋儉原本誤險或改儉

今從之

代太學同舍內優成謝賈平章啟恢一陶之塊北北原本

誤北 取仇覽長裾之美裾誤淝 乘機併進乘誤秉

器躍冶而鐘鏞冶誤治今竝改 原本茲蓋恭遇下

空一字今不空 某敢不激昂弱質質原本作鹽案字

書無鹽字以文義求之當作質今改

石屏戴式之孫求刊詩板疏慷慨揮毫慨原本誤愷或改

慨今從之

鈔題刊傷寒書機要疏百不將於二三將疑作得

萬戶府靳提控求仕疏辭柳烈君染衣烈原本誤列或改

烈今從之

翁舜咨疏原本食三斗下空一字今仍空

案目錄二歌者傳上行題一傳字漁說上行題一說字蜜

諭上行題一諭字原本竝脫今補

卷第二十五

子曰富與貴是人之所欲也一章君子未嘗避焉 君子

未嘗辭焉未原本竝誤末今改

子曰德不孤必有鄰先王盛時王原本誤玉 其機括在父兄師友括誤括案括木名括矢末機括字當作括今竝改

謙尊而光卑而不可踰如公孫宏之開東閣閣原本作閣案說文閣所以止扉者玉篇樓也揚雄校書於天祿閣又皮物之閣又閣道竝从門从各閣說文門旁戶攷公孫宏傳注師古曰閣者小門東向開之避當庭門而引賓客以別掾史官屬是東閣當从門从合作閣誤今改菁菁者莪四章則散慢猥媠媠原本誤徠 四章言汎汎楊舟楊誤揚今竝改

子罕言利與命與仁五尺童子類能言之五尺原本誤三

寸今改 又從而墮之墮疑作頤

卷第二十六

大畜象曰天在山中大畜君子多識前言往行中原本誤上今改

周禮天官冢宰以九兩條惟有友以任之任原本作信案上講吏以治得民云惟有吏以治之下講藪以富得民云惟有藪以富之此講友以任得民不當舍任而言信作信誤今改

說命惟學遜志務時敏厥脩乃來允懷于茲道積于厥躬惟教學半念終始典于學厥德脩罔覺案教學半教書本作教學記引作學此殆以意改 當傳說時 如傳

說其人傳原本竝誤傳今改

子曰中庸其至矣乎民鮮能久矣禹之傳子於理當傳子
禹不容不傳子原本三子字皆誤賢 夫胡廣阿時取
容時誤恃今竝改

良冶之子至馬前良工之子必學為箕何也良原本誤為
性本有此仁仁誤物今竝改

子曰伯夷叔齊一章夫子乃以為不念舊惡子原本誤人
今改

卷第二十七

大名元復初郎中攜示感遇五言八章次韻并簡東平曹
子貞編脩薊丘曹克明教授簡原本誤陳或改東案集

中柬某多作簡此亦當作簡今改 明有不見睫原本
連上為一首或以為又一首今從之

韓君美經歷賦孟夏木長五詩示僕因寫鄙懷通呈阮使
君木上疑脫草字 詩辛苦受羈束羈原本誤羈今改

以羔裘如濡洵直且侯韻為八詩送夾谷子括赴明州推
官直原本作美案詩鄭風羔裘文作直又八詩僅存二
首直韻正存作美誤今改侯誤侯或改侯今從之

送袁季源之婺州因簡范經歷長髯善哦吟哦原本誤
案字書無喫字今改

謝陳君祥憲使居突不得黔突原本誤突今改

往時王達云云余按淵明乞食詩云飢來驅我去驅原本

誤軀今改 詩不如魯公仁公誤侯或改公今從之
君莫誇少年一首贈俞光遠俞原本誤余案二十八卷有
俞光遠父子歸馬奧兼託問訊故舊詩詩中有俞郎三
世成清儒竝作俞此作余誤 詩新銳君當祛祛誤祛
今竝改

余居之西偏有小室名齋庵詩以識之衰年百事祛祛原
本誤祛今改 收君論癡符佩我養生主論誤論或改
論案論音靈街也賣也顏氏家訓吾見世人至于無才
思自謂清華流布醜拙亦以眾矣江南號爲論癡符正
作論今從之佩誤佩案佩廣韻音風地名今改

朱使君家諸郎將別十一韻歲月翎箭疾翎原本誤翎或
云翎當作翎箭羽也今改

送官歸作行吟荅松籟荅原本誤荅或云荅當作荅今改
七陽字原本違嚴風上空一字今仍空

六月十三日壽陳子微太博十首以無官一身輕有子萬
事足爲韻三一字麾驅非吾任驅原本誤軀今改 五
輕字原本秋風生上空一字今仍空

陳茂陽書監赴史氏塾飄落隨長風長風原本誤風長或
云隨風長當作長隨風案第倒長風二字義已明今改
卷第二十八

聽琴行贈沈秀才湖園日煖百花笑笑原本作嘆案當作
咲俗笑字因誤爲嘆耳今改

夜寒行朔風蕭蕭吹戍旗戍原本誤成今改

招子昂飲歌人生何處少泥塗少原本誤小或改少今從之

雁衣飛得飽且住今亦樂且原本誤目或改且今從之

山苔行縛作蓬鬆掃塵帚鬆原本誤菘今改

賦意未暢復拾前韻之餘者作廣坐隱詞原本暗室生天光上空一字今仍空

范文正公黃素小楷昌黎伯夷頌詩昔離孔氏或自歸昔原本漫漶或作昔今從之

送程敬叔教諭赴建平飲冰茹蘖善自愛冰原本誤水蘖誤藥或改蘖案當作蘖今竝改

題李伯時畫五馬圖前驅麒麟後鸞鳳凰原本誤鳳案依韻當作凰今改

看花曲馬蹄蹴碎牆西草碎原本誤醉或云醉當作碎今改

東門行二首其二煙洲何客釣寒魚洲原本誤州今改

吳姬曲五首其三錦段金錢落如土錦原本誤錄或改錦今從之段誤段案段卽假借本字今改土誤上或改土今從之其五潮光燭影紅輝輝案第一首有湖花句

此潮光疑作湖光

正仲復有倒和春愁曲之作依次奉荅忽得君家遣愁具具原本誤興或改具行人欲歸瘦思起思誤念或改

思鳥雀應門蓬柱宇應誤鷹或改應今竝從之
爛
醉佯狂白雲谷佯誤佯今改

南山下行蔽膝尙著長孺袍案後贈趙子實詩幅巾大帶
長孺袍孺作襦說文襦短衣也釋名襦奕也言溫奕也
急就篇注短而施要曰襦襦旣衣名其制又短言襦又
言袍言長似不文韻府載長襦袍直引此詩作襦不更
詳所出若長孺則人名漢汲黯韓安國竝字長孺急就
篇又有伊長孺後漢書馬援傳有儀長孺齊書顧歡傳
同郡顧黯字長孺與袍無涉姑各仍之

壽陳貴白但有聲牙佶屈村田詩聲原本誤聲屈誤倔
君不見南方鼯屬五色龜屬誤鼯今竝改

碧桃花歌歌原本作斂案斂音訃說文吹也一曰笑意此
當是歌字誤文今改

積雨小霽喜袁太初舒叔恭兩生至霜蔬處處稀尙摘蔬
原本誤蔬今改

仇山圖注爲仇仁近作仁近原本作近仁案八卷有仇仁
近詩序二十卷有仇仁近真贊作近仁誤今改

卷第二十九

和鄧善之秋興二首揚雄識字苦揚原本誤揚今改
西
嶺栽花屋嶺誤山或改嶺今從之
佯狂覓耆舊佯誤
佯今改

客遊原本酒醒下空二字今仍空

十二月二十三日華亭小泊不憚往來遨遨原本誤遊或改遨案依韻當作遨今從之

喜王丞病較疑誤 詩命強容有醫容原本誤容或改容今從之

又作散愁原本家兵潰後上空一字今仍空

久客且歸畱別郭于昭憲掾坐有誇羊酪羊酪原本作年酪案說文酪酏醉也年酪不文與下馬鞍亦不對當是羊酪之誤世說陸機詣王武子武子前置數斛羊酪指以示陸曰卿江東何以敵此正合坐誇之義今改宿趙岷丞家摧藏名字在字原本誤自或改字今從之疑作氏

送徐生仁榮侍親遊山歸來佇新語佇原本誤停或改佇今從之

簡王元剛併寄意王理得君玉少待意何如何如原本誤如何或改何如今從之

題陳秀才溪山佳趣花須爛漫栽栽原本誤開與末煙霧眼中開韻複今改

趙孟樵修職挽詩樵原本誤種案字書無種字當是樵字譌文樵同枕今改 辨得從容死辨誤辨或改辨今從之

送穹上人還里原本禪外五下空二字今仍空

舟過嚴州冰泉滃滃懸冰原本誤水或改冰今從之

梅山山是化人開是原本誤寺或改是今從之

劉正仲至寶山不值主人而去次韻奉寄原本日月松間
過下空二字今仍空

辛卯除夜醉眼看梅霧淞天淞原本漫漶或改淞案松江

後人加水旁為淞江為吳淞與淞異攷玉篇欠部淞凍

落也廣韻三鍾同字林淞凍浴也寒氣結木如珠見覲

乃消齊魯謂之霧淞是字當从欠旁或改誤今改淞

過清涼寺王參預墓下一庭花木自青春自原本誤目或

改自今從之

於杭州九月送袁太初赴寧海教官原本青藜曾下空一

字今仍空

卷第三十

寒食落魄暖春為麥地魄原本誤翬或改魄今從之

四明山中逢晴莎坂南風兩蛤出兩原本作寅案蛤有蜻

蛤螟蛤無寅蛤連文此與下一禽為對當作兩蛤兩與

寅字形相涉而誤 梨花無數繞巖間黎原本誤黎今

竝改

辛亥歲七夕醉陪諸公登西湖竹閣十年浪走紅塵道十

原本誤十或改十今從之

次韻東魯省遊石龜山百榼頻空看少俊頻原本誤頒或

改頻今從之

舒子俊見過歲儉魚鮭難猝致儉原本誤險或改儉今從

垣按原本二作
十似不誤

之

鄞塘田家髯公鼻息晝如雷鼻原本誤劓或改鼻今從之
贈屋西小陳秀才等閒輒贈兩兔穎輒原本誤輟其二
二誤三今竝改

謝鄰友陳仲學秀才惠王芎苗二首坊州杜若自堪羞坊
州或云當作芳洲案夢溪筆談云貞觀中敕下度支求
杜若省郎以謝朓詩云芳洲采杜若乃責坊州貢之當
時以爲笑詩本此或說非

過姑蘇挂帆安坐過姑蘇挂原本誤桂今改

五雲山圖一點漁舟帶暝還暝原本誤暝今改

雨中過泉教張子開數聲疎雨雪來初來初原本誤初來

或改來初今從之

次韻荅鄰友近況六首其一麥花淡白菜花斑斑原本誤
班今改 其四月明人語紙槽東槽誤糟或改槽 其
五村酒沾唇頻得醉醉誤酒或改醉今竝從之

道光乙巳三月廿又七日炳垣校閱畢



重刊剡源集札記